



Ublukkut,

Ublumi titiraqtun'nga puiguktaipligut ilauqupligut tamaita havaktut Nunavut Kavamaini talvani Nunavut Kavamanga Havaktip Ihivgiungningani (NGES mik taivagaat); qaritauyakkut ihivriugutauyuq havaktinut ilitturipkaiyaangginni ihumagiayainnik atuqpaktainniklu havavikmi.

Tamaita kavamatkunni havaktut nunavunmi piyut qaffiuktaqhutik titiqqidjutinik qaritauyakkut Kititiriyini Kanatamin ilautqupligut ihivriungningganut. Ihivriurut apikhutiqaqtuq aadlatkiingnik hunavalurnik, taapkuatut uqauhitigut aturnia havavikmi, piinnariaqarnik ayukhautitlu ilihaivikhanut havaanut, piumaniqlu anggitqianik havaanik.

NGES ngat havaktait Kititiriyini Kanatap havaqatigiittiakhugitlu ilauplutik pivalliavikhamik Kanataup Kavamaita, Nunavut Tunngavikkut GN kutlu.

Naunaiyautikhat pihimayut ihivriungningganit ikpingnaqtut piqaliriami GN kut atuqttautiaqtukhanik. Naunaiyautit ikayurniaqtait kavamatkut inuit katimayiitalu ilitturiyaamingnik hunaungmanggaat havaktut nakuatut tamaini havakviitni humilu nakuuhivalliayukhani. Naunaiyautitlu ikayurniaqtait amigaikyuummiklutik Inuinnait havaktukhanik kavamani pitquyautiqarmat talvani llanga 23 mi Nunavut Nunataarutinut Anggirutaanni.

Ilitturiyaugamalu ilanggit havaktut GN kunni ayukhaqpaktut qaritayangmingnit NGES ngat pinahuaqhugu. **Taimaatut piyauppat, hivayaqlugit Kititiriyitkut Kanata Ikayuqtinntu Qaritauyatigut hivayaqlugit uumanu 1-877-949-9492 mi titiqqivilugitluunniit qaritauyakkut uumanu statcan.sos.statcan@canada.ca mi.** Ilaudjutit ikpingnaqtuq ihumagiayatinlu ihariariayuyut! Pitquyagin hivayaqlugit Kititiriyitkut Kanata Ikayuqtinntu Qaritauyatigut ayukhautiqaguvit.

Ayuikhaqyuummiinnariaqaqtut NGES ngatnik takuyaqtuqlugu Kititiriyitkut Kanata qaritauyakkuruutaannut uvani www.statcan.gc.ca/nges mi hivayaqluguluunniit Ryan Maza uumanu (867) 473-2693 mi qaritauyaqviviluguluunniit rmazan@gov.nu.ca mi.

Naunaiyautit ahinut takupkalimaittut atuqtaukaffuktauyut kititirinirmun. Quviagiyapkin iniktiqtangnik ihumagiayangnik. Ihumagiayatin ihumagiyaungmatta ikayuutauniangmattalu nakuutqiavikhainnik havavikmi.

Kiglihaqaqtutin Imaruqtirvia 17, 2016 mi iniktirami NGES ngatt ihivgiurutaannik!
Ilauyaangni takunahuaqlugu titiqqividjutit qaritauyakkut kavamatkunnit!



ᓇᓱᐊᕗᑦ ᐃᓄᒃ ላ᜵ ላ᜵ ላ᜵
Building *Nunavut* Together
Nunavut liuqatigiingniq
Bâtir le *Nunavut* ensemble

ᓇᓱᐊᕗᑦ
Government of Nunavut
Nunavut Kavamat
Gouvernement du Nunavut

Pittiangnakkut,

David Akeeagok
Tugliuyuq Ministamun Kavamaliqiiyini